

solcher abgang an Wasser war/das alle am
 Leben verzweiffleten/eridt Franciscus in ein
 kleines Schiffein/ vnd strecket ein Fuß in
 das Meer hinauß / darauff das vmbtligene
 Wasser also süß wordē / daß die Schiffeleuth
 zu ihrer Nothdurfft sich haben können ver-
 sehen. Solches Wunder desto besser zuer-
 forschen hat ein Kriegsmann von allen sei-
 ten Wasser geschöpfft vnd verkostet/aber be-
 funden / daß alles andere Wasser gesalzen
 sey/darumben er desto klärer dises Wunder-
 werck erkenne/vnd Gott in seinem Heyligen
 geprisen. Vber daß hat er offtermahlen wie
 oben gemeldt / das Ungewitter gelegt/ die
 Schiff / so etwann durch die anstossente
 Wellen zerschlagen/ vor Vndergang behü-
 tet: vil / so in das Meer gefallen/ vnd für
 todt gehalten wurden/ bey dem Leben erhal-
 ten. Die Keyfige / wann sie von einer
 Schwachheit vberfallen wurden/ seind auff
 sein Fürsprechung widerumb erstarcket. An-
 dere/ so von ihrer Armada durch Ungewit-
 ter zerretene worden/hat er versamblet. Letzt-
 lich die Fischer/denen weder neben dem Ge-
 stadt/